

Ihumanea Pāngarau

He Rōpinepine

MĀ TE KAIKO

Kia Mōhio te Ākonga ki:

- te tikanga o tēnei mea te rōpinepine (tirohia te kōwae ako *Rōpinepine Taparau* kei te pae ipurangi o www.nzmaths.co.nz)
- te whakamahi taputapu tuhi pērā i te rūri me te tā porowhita

Kupu Matua:

tapawhā rite, rōpinepine, rārangi torotika, rārangi kōpiko, tapa, tauaro, tāruarua

Whāinga Paetae:


Taumata 4, Te Ine me te Āhuahanga

2. Ka tautohu, ka whakamārama i ngā tikanga āhuahanga o ngā rōpū āhua ahu-2.
7. Ka tautohu, ka whakamārama, ka whakamahi i ngā āhuatanga pūmau o ngā panoni.


Hei Mahi:

He tohutohu ēnei hei tuhi māu i tētahi rōpinepine. He taura kei te taha o ngā tohutohu.


1. Tuhia he tapawhā rite hei tīmatanga.




2. Tapahia he wāhanga i tētahi taha o te tapawhā rite, ka tāpiri atu ai ki te taha e noho tauaro ana.



3. Tāruatia te mahi i tohua i te nama 2.



4. Tapahia tēnei āhua i te kāri mārō.
5. Whaituhia tēnei āhua ki tētahi pepa, ka tāruarua ai hei rōpinepine.



6. Karakarangia tō rōpinepine.

Tīmata ki tētahi atu āhua (pērā i te tapatoru rite, te tapawhā hāngai me te tapaono), ka tūhura ai i te whakaputanga o tētahi rōpinepine, i te whai i ēnei tohutohu.

Me whakawhitiwhiti kōrero mō tēnei tūhuratanga.